

德壯果公年譜

德壯果公年譜卷九

次孫花沙納恭纂

嘉慶三年戊午

四月初九日

公偕額爾登保奏言首逆高均德等股匪經

臣等分路邀

擊於雒南兩岔河地方痛加剿殺該匪情急向秦嶺老林

爬越該嶺延袤八百餘里道通渭南華州等處與潼關相

近所關至要隨派鎮

臣

達音泰巴圖魯侍衛富僧德協領

明保副將德甯遊擊馬瑜張朋等帶領滿漢步兵二千名

由老林跟蹤前進

臣

德楞泰同明亮賽沖阿圖桑阿阿穆

勒塔巴圖魯侍衛阿納保等帶兵由秦嶺繞出華州高塘  
截勦臣額爾登保帶領綸布春鎮臣長春慶溥巴圖魯侍  
衛烏爾呼納副將楊遇春汪啟等帶兵繞至秦嶺之西截  
勦又令阿哈保溫春鎮臣木騰額愛星阿帶兵二千在大  
鹿廟一帶堵截十九日高均德自秦嶺竄奔高塘正與官  
兵迎頭相遇臣等帶兵奮勇馳擊殺斃三百餘人生擒李  
大閑等四十三名該匪一見官兵卽仍向秦嶺老林中翻  
山逃竄達音泰等督兵邀截互相攬殺殲斃一百餘名跌  
斃二十餘人餘賊向前竄走臣額爾登保帶兵於二十二  
日馳至西青岡坪迎截殺賊二百餘人該匪驚惶官兵趕

緊分投勦殺賊匪中槍箭死者甚衆並有賊匪在深林自  
戕者生擒焦受富高新德等一百五十餘人高新德卽係  
高均德堂弟當俱凌遲處死又拏獲林材生等二十三名  
訊係附近被擄並未從逆卽予省釋該匪復折向東南竄  
走阿哈保溫春愛星阿等由大鹿廟截擊殺賊一百餘名  
二十六日追至鎮安所屬之藥廠子又經臣等兩路官兵  
痛勦殺斃賊匪四百餘人生擒丁克瑞等十四名訊供連  
日屢被官兵邀擊不敢打仗初意要回河南今思由鎮安  
五郎一帶希與李全合夥或逃入四川與王三槐合夥等  
語當將該犯等正法臣等復分兵三路星夜由鎮安一帶

截擊現值連日大雨之後山水漲發趁此賊匪奔疲圍剿夾擊務在生擒再明亮原令帶兵二千馳赴宜縣處協勦嗣因途遇高均德股匪又與臣等分路截勦現在高均德已折向南竄如與李全阮正通等合夥則官兵正需併力圍勦自無庸再行分兵赴興倘該匪仍復彼此分竄自應酌量緩急迅赴宜縣一路協勦

諭曰高均德一股賊匪竄入老林德楞泰跟蹤追勦仍任該匪翻山逃竄沿途殲斃之賊不過六七百名所獲亦非緊要頭目無能已極大負朕節次宥過施恩之意德楞泰明亮額爾登保著嚴行申飭現在該匪既由鎮安五郎一帶奔竄必與李全阮正

通合夥宜縣已令興肇柯藩帶兵馳赴池河兜剿宜縣又由興安帶兵進攻正可乘各首逆竄聚併力截擊

二十一日

公偕宜縣明亮額爾登保奏言

臣

德楞泰等在秦嶺截回

高均德股匪不令竄向華州渭南等處賊遂南竄商州鎮安一帶俱由深林密箐行走當經分兵抄擊連日斬獲約計一千餘人賊匪晝夜狂奔西向五郎竄逸

臣

額爾登保

同綸布春長春前往江口截其北入西安之路

臣

德楞泰

同阿哈保溫春等由小仁河四海坪緊躡賊蹤

臣

明亮等

由大仁河馳向長坪夾擊行抵半途忽有另股賊匪望北

奔竄正在過河因急麾兵趕殺槍礮齊放擊斃七百餘人淹斃者亦復不少賊遂折回穆王坪其時高均德等賊匪經臣額爾登保等追擊沿途又斬獲四百餘人捨命奔逃

正抵該處遂與合夥南奔漢陰界內據獲犯供稱此起賊匪係李全張添倫二股一從賈家營竄來一從孝義廳竄來本欲由大仁河向鎮安北竄被官兵截住想從漢陰石泉過江到西鄉或由漢中搶渡回川與王三槐等合夥等語當將該犯正法臣等查阮正通一股賊匪現在洋縣石泉之間興肇柯藩在洋縣堵截兵力尙單今高均德等與李全張添倫合夥人數已不爲少若再與阮正通合夥全

力衝出勢難抵禦必須繞道截其合併之路

臣

德楞泰遂

帶兵由王家莊

臣明亮由觀音河

臣

額爾登保由小石門

趕至泰山廟迎截賊匪知各路有兵不敢西去遂折回漢

陰之鳳凰山梅子鋪一帶林箐深密處藏匿

臣

宜縣先由

越嶺關督同關騰烏爾圖那遜等馳抵該處賊匪見我兵

止有一千餘人竟敢直撲前來關騰等率兵衝擊自午至

未斃賊四百餘名生擒戴文臣等十三名搶獲劈山礮四

位鳥槍四十餘桿

臣

德楞泰明亮額爾登保等亦帶兵趕

至兩面夾擊又殺賊八百餘人時已昏暮賊匪乘夜竄入

山溝老林內未便窮追

臣

等隨合兵一處細加商酌查得

漢陰爲賊匪往來之衝

臣

宜縣督同明亮帶兵二千名卽

臣

在漢陰山內搜勦並策應東西兩路

臣

德楞泰由興安大

道馳赴老樹嘴山口迎頭截殺

臣

額爾登保由北山古木

臣

嶺二郎廟一帶抄擊務期擒拏首逆至阮正通等賊匪經

興肇柯藩等帶兵兼程趕抵洋縣抄出賊前遏其去路擒

斬多人遂退回洋縣東北之槐樹關屯紮

臣

宜縣復派總

兵長春帶兵千名前赴木梓河與興肇柯藩夾擊

二十九日

諭曰高均德一股前與李全張添倫合夥後竄入老林藏匿勢已窮蹙宜縣等自宜乘賊首竄聚一處之時一面扼要堵截一面

入山搜捕德楞泰所帶吉林黑龍江勁旅俱係生長山野陟險  
上樹是其所長賊匪藏匿深林何難深入窮追況李全阮正通  
俱已折竄入川則高均德賊勢更孤宜縣德楞泰等併力勦此  
敗竄之賊豈尙不能擒獲何以又任其竄入陝省腹地耶

五月初二日

八偕宜縣明亮額爾登保奏言阮正通等賊匪退向槐樹  
關屯紮經興肇柯藩帶兵追勦遂分竄於范家坪彌勒院  
等處其勢直趨西北興肇等恐賊匪竄入棧道派兵五百  
名繞入襄城防守與駐守雞頭關之鎮臣索費英阿相爲  
掎角保護北棧又派遊擊額爾畢濟呼帶兵七百名防守

沔縣大安驛過其竄入南棧之路興肇柯藩各帶兵一千名南赴漢中江岸分投埋伏以爲半渡掩擊之計另派兵數百名多張旗幟虛作尾追聲勢賊匪前隊果於十二日夜間潛至陵城窺伺經署知縣汪銓早爲準備城上連放槍礮四面伏兵齊起追殺賊匪二百餘人生擒九名餘匪由景家塘南竄南鄭縣知縣何振權帶鄉勇五百名攔頭堵截殺賊甚多其時大夥賊匪俱向長寨奔竄守卡外委王忠帶領兵勇迎敵道員文需參將瑪靈阿帶鄉勇二千名自府城趕到何振權亦追賊踵至三面夾攻殺賊六百餘人救出城固洋縣被擄難民男婦五百餘名口賊匪遂

竄至新街江邊在上流淺處泅水過江興肇柯藩所伏之  
兵齊出前後夾擊詎賊匪一面拒戰一面仍復淌渡其善  
泅者皆牽帶多人捨死搶渡官兵遠用槍礮近用箭射雖  
淹斃賊匪甚多而過江者仍復不少把總顧林首先衝入  
賊陣受傷陣亡兵勇繼之賊匪始各潰竄我兵正在痛勦  
北面忽有賊匪二千餘人向南直撲文需瑪靈阿急率鄉  
勇回城防堵賊匪恃有接應復聚向江岸我兵奮殺益力  
夥折回東嶺興肇柯藩急率官兵躡蹤追擊兩晝夜直抵

石泉

臣宜縣前派鎮

臣長春由木子河順江岸西去

臣明

亮同圖桑阿帶索倫兵五百名由大道迎擊

臣宜縣督率

關騰烏爾圖那遜等由北山抄截三路兜圍正與賊遇當

將二千餘賊殲戮無遺把總顏希章外委金海宋福皆以

力戰陣亡其在新街渡江之賊亦約有二千餘人十三日

竄至周家坪知縣何振權帶領鄉勇追擊殺死騎馬賊目

一名賊匪二百餘人又調青石關千旗山兩路鄉勇於馬

仙壩等處埋伏十四日賊匪從周家坪南竄伏勇齊起殺

死後股賊匪一百餘名餘匪翻孫家嶺竄至紅廟塘车家

壩一帶入四川之通江南江二縣境內至高均德等一股

賊匪自與李全張添倫合夥之後經

臣

宜縣等在漢陰截

擊折回東竄

臣

額爾登保由古木嶺二郎廟馳抵獅子溝

臣

德楞泰由興安大道馳抵兩河關探知賊匪在大仁河

一帶欲出茅坪東竄經

臣

德楞泰帶兵迎截斬獲四百餘

名賊遂由大仁河上流翻山向蔡家坪而去擒獲張九銀

等四十二名訊問此股賊匪係高均德張添倫尚有八九

千人次日

臣

德楞泰復由青銅關松樹埡進剿賊匪占據

蔡家坪右山包

臣

德楞泰督同賽沖阿阿哈保等帶兵搶

上該匪捨命奔逃我兵乘勢壓下殺賊一千五百餘人

臣

額爾登保偵得一股賊匪在大仁河紫溪嶺等處藏伏隨

督同綸布春慶溥楊遇春等由獅子溝至紫溪嶺賊匪正

冒雨翻嶺我兵奮力趕擊賊匪亡命下嶺滾馬跌斃者甚多餘賊分竄蔡家坪等處十六日分兵一股從紙坊溝出

蔡家坪因見溝內偏隘恐爲賊人所阻臣額爾登保帶兵

徑上左手大山衝下該匪等當時潰亂溝內之兵亦到共

斬戮一千餘人生擒許得信等六十三名內楊鳳一名係執旗頭目據供高均德等一股經官兵在青銅關勦敗已

向茅坪等處竄逸此股係李全所帶約有五千餘人當將該犯等分別凌遲正法臣德楞泰額爾登保於十七日晚

均至茅坪會合查阮正通等股匪過江者尙有二千餘人已入川境興肇柯藩即將折回東竄一股勦淨自應趕回

漢中渡江追殺緣現奉

諭旨令

臣

額爾登保興肇帶兵趕赴湖北協同景安勦辦川匪伏

思湖北現在需兵緊急官兵等應從漢江順流而下即可

速抵襄陽但江流迅駛馬匹不能載渡今

臣

額爾登保酌

帶索倫吉林兵四百名漢兵六百餘名興肇所帶馬兵一

千名內有分令綸布春等帶領由平利竹谿一帶趕至房

縣均州等處其餘滿漢步兵

臣

額爾登保興肇卽於二十

三四兩日由興安坐船而下計可到在馬兵之前沿途當

偵探賊蹤相機籌辦惟是柯藩所帶兵丁除分防褒城及

沔縣外所餘僅一千名若令入川追勦阮正通等未免單

弱而高均德等股賊匪又皆河南湖北之人每欲乘隙逃

往楚豫因截殺緊急未得渡洵陽大河今

臣額爾登保分

兵赴楚東面稍覺空虛

臣宜縣卽飭柯藩將原帶之兵趕

赴茅坪軍營聽

臣德楞泰調遣

臣宜縣明亮等由漢陰入

五郎從西夾擊秦承恩王文雄在北路嚴加堵禦其阮正

通一股賊匪已飛咨勒保派邊鎮將截勦並咨調永德將

防守北棧之兵移駐漢中督同文需等嚴密防堵勿令竄

逸

諭曰宜縣等連日打仗在景家塘長寨新街等處殲賊不下三千

餘名惟首逆仍未擒獲不足爲功且阮正通一股本由川省竄

入陝境今復任其折竄回川亦難尋疎防之咎宜縣等均著傳  
旨嚴行申飭此次陣亡之把總顧林顏希章外委金海宋福俱  
著咨部加等議卹至高均德股匪與李全張添倫合夥經官兵  
分路截勦賊首又復東竄茅坪地方現在德楞泰帶領勁旅馳  
擊而東南兩面已派柯潘在彼防堵北面有秦承恩等帶兵迎  
擊宜縣又由五郎一路進勦正可四面兜圍務將此數股賊首  
擒拿擒獲再行赴川幫同勒保協勦以期稍贖前愆

十二日

公偕宜縣明亮奏言查額爾登保遵

旨帶兵馳赴湖北臣德楞泰親率巴圖魯侍衛等由梅花舖溝口

直入勦賊另派溫春慶溥等由左手山梁壓下賊匪埋伏  
齊起悉力抗拒臣德楞泰策馬先進滿漢兵丁奮勇爭先  
溫春等又從高壓下殺賊八百餘人賊不能支亟翻南面  
山梁欲由兩河關竄至湖北當派溫春等繞赴該處堵截  
適臣宜縣派柯藩帶兵一千名前來協勦亦抵該處賊匪  
探知前有官兵又以臣德楞泰等緊躡其後遂改道由越  
河竄至五郎之兩河口臣宜縣明亮由漢陰帶兵適至迎  
頭截擊殺死前股賊匪四百餘名賊匪奔回官兵乘勝追  
擊趕至周家廟臣明亮射死執旗賊目一名兵弁呐喊齊  
進又殺賊三百餘名其後股賊匪遂改由文家廟四海坪

一帶竄至江口

臣德楞泰帶兵繞至五郎城遏其北竄之路派阿哈保達音泰等由東川至小川躡蹤緊追賊匪一

見官兵四散奔逸

臣明亮自周家礮趕至三面夾擊殲斃

賊匪九百餘人餘匪向四畝地三河口一帶分竄拏獲賊

犯供稱高均德等總要引官兵西來乘空竄入楚豫今被

勦緊急不能折回東竄想卽由洋縣漢中一帶同川

臣等

查夾嶺秦嶺等處經秦承恩派令兵勇嚴堵賊匪不能北

竄必由焦溪河南至洋縣

臣明亮卽趕至兩河口同

臣宜縣帶兵翻山由大河霸前至洋縣遏其去路

臣德楞泰仍

分兵兩路一由琵琶嶺金雞河一由廟溝進勦伏思高均

德李全張添倫等皆河南湖北人本處從逆者固多而襄

脅川陝之人亦不爲少新舊互疑漸不相安

臣宜縣前入

陝境偵知其情卽多寫簡明告示徧爲曉諭並於所獲賊

匪內察其眞心悔罪人尙明白者厚加賞賚卽令持入賊

夥中密爲反間旬日以來投首者無數皆經慰諭犒賞飭

令回籍亦有投棄器械自行散歸經卡隘盤獲送案者訊

問確實亦俱釋放約計解散賊黨不下二千餘人惟原帶

河南湖北之人同惡旣久自知必死合力抗拒現在高均

德一股不過二千餘人李全張添倫等亦不過六七千人

總欲乘官兵偶有不備卽分投折回楚豫臣等分兵布置

惟有隨時隨地相機截勦一經得手即可合圍聚擊  
諭曰高均德李全等兩股賊匪其沿途裹脅川陝民人業經紛紛  
投出是真正匪衆計祇不滿萬人而官兵現有數萬加以吉林  
黑龍江勁旅數倍於賊豈尙不敷勦辦但賊首雖分而官兵正  
須併力一處或先將高均德拏獲再行勦辦李全等如官兵追  
捕所到適值李全等一股卽先將李全張添倫等拏獲再勦高  
均德一股以期兵力厚集一處迅速蕩平

二十三日

公偕宜縣明亮奏言高均德李全張添倫等三股賊匪由  
五郎分竄四畝地等處其勢仍欲渡江臣明亮自兩河口

趕至洋縣城固一帶繞出賊前迎頭截擊

臣德楞泰同賽

沖阿等分兵兩路於初一初二兩日在洋縣所屬之茅坪

華陽壩地方連次殺賊一千餘名生擒三百餘名其時

臣

明亮帶兵已抵城固賊匪不敢南竄遂由城固之小河口

西奔褒城界內查褒城西南百餘里卽抵長寨而長寨以

西一帶褒漢未經合流其水面淺狹之處竟可踹渡若任

賊匪竄渡漢江卽致遠入川省不可不急爲防備

臣明亮

於初四日同圓桑阿關騰長春等帶兵趕抵長寨密爲布

置賊匪已出南鄭天台山偵知我兵有備遂折回西北逃

竄連日大雨各處溪河俱漲水五六尺不等賊復分爲數

十股四下竄渡約淹斃四五百人臣德楞泰率領大隊繞出文川至五道梁另派阿哈保阿穆勒塔等帶兵分路追截馬兵騎馬徑涉步兵卽拽馬尾隨渡官兵踴躍爭先斬獲甚衆其一股賊匪在虎跳巖約有四五百人遊擊張朋首先奮勇衝入賊隊殲戮無遺又有賊匪一股竄至燕子礮欲渡小河入馬道驛經索費英阿派守備蘭福楊伏國帶兵二百名知縣汪銓帶領鄉勇趕赴河岸堵禦殺賊一百餘人餘衆不能過河俱向武關一帶分竄臣宜縣前調柯藩帶兵一千名自兩河關趕來長寨臣明亮將防江一切事宜交與柯藩卽於初八日帶原兵馳赴馬道驛賊匪

後隊正在鐵佛寺焚掠見官兵猝至反身迎拒副將官信  
參將達桑阿等督兵奮勦殺賊三百餘人生擒劉文宗等  
四十七名又有一股賊匪在武勝河淌渡並有拆毀民房  
索筏者臣明亮馳至該處令官兵排列施放槍礮並向筏  
上轟打登時中傷落水及筏散淹沒者約有七八百人廣  
東兵丁鳧水生擒翟椿林等九十六名奪獲騾馬器械甚  
多其北竄之賊經秦承恩王文雄帶兵搜捕無難淨盡其  
陸續竄入武關之西溝者人數較多且路通汚縣黃沙等  
處現有柯藩在長寨地方防守臣德楞泰明亮亦帶兵分  
投躡擊伏查高均德等數股賊匪所餘不過六七千人然

皆兇悍亡命之徒至李全並未入川與高均德狼狽相依時或聚於一處現在

臣

德楞泰自五道梁追擊

臣

明亮在

黃沙一帶迎截秦承恩王文雄亦帶兵自北而來四面兜

圍賊匪無從竄逸可冀於旬日之內擒拏首逆再

臣

宜絲

前振平利縣稟報川省老木園賊匪竄至湯家壩距陝境

平利安康邊界不遠當派烏爾圖那遜道員溫承惠等帶

兵赴各隘口防堵

臣

宜絲亦督兵繼進行抵平利接據溫

承惠稟報老木園賊業經觀成劉君輔剿滅淨盡其零

星竄入陝境者俱經各卡隘盤獲正法陝省邊界已無他

處

臣

宜絲卽於十一日仍趕赴軍營合勦

諭曰此次賊首高均德等欲由五郎南竄經宜綏等督率官兵繞道截擊斃賊二千餘人所辦較爲振作然賊匪仍向武關奔竄迄未擊獲首逆尙不愜意其李全一股雖據稱並未入川仍與高均德互爲狼狽但經此番截殺之後賊夥不過六七千人現在德楞泰由東面追捕明亮柯藩由南面沿江攔截宜綏亦自興安前來會剿其北面有秦承恩與王文雄扼住棧道探蹤迎剿賊匪自無從竄逸宜綏等務須倍加奮勉趁賊首竄聚一處之時四面兜圍將高均德李全等速於旬日內擒獲肅清陝境以便德楞泰明亮等速赴川省協剿

恭錄

聖製詩

西峪

駐蹕仙莊過浹旬今朝西峪路初循雖云二暨縛將近

陝境逆匪李全

高均德二犯以敗竄之餘經德楞泰明亮等於洋縣城固要城等處疊次截勦殲斬數千名賊勢已極窮蹙此二逆首自可剋

日就擒卻已三年凱未臻敵愾勞哉我軍衆竄幽詭矣彼狂倫全

高均德等自齊王氏姚之富殲滅後四路奔竄官軍緊躡賊蹤

悉力兜剿而賊情詭譎忽合忽分李全高均德二逆首於打仗

時或在山遠望或潛匿別隊一經官軍擊敗卽覓徑先逃我軍

箇勦隨截以致有稽時日逆匪等現由武關一路竄至鳳縣地

方距甘肅兩當縣境不遠總兵吉蘭泰署布政使廣厚等邇聞現已帶兵堵截賊匪無路可逃諒亦不能更延殘喘矣

獲醜期昨定前據宜縣等奏賊匪由武關奔竄後聚於一處其

勢益蹙現在德楞泰自五道染追擊明亮在黃沙

等一帶迎截秦承恩王文雄亦帶兵自北面兜圍旬日之內諒可擒拏首逆等語此摺於廿三日奏到今又隔六日計此時捷

音當早在途盼  
望彌殷宵旰

何事飛章尙待陳

六月初三日

公偕宜縣明亮奏言賊匪高均德等經官兵在虎跳巖武勝河剿殺截爲兩股後股北竄鳳縣界內前股人數較多首逆皆在其內奔入武關之西溝又分爲十數股向長寨黃沙汚縣沿江一帶狂竄總欲搶渡過江經臣德楞泰等從五道梁帶兵緊追臣明亮等從大道折回汚縣分投截勦殺賊五百餘名生擒首逆張添倫之子張建國及餘賊七十八名柯藩同參將韓加業等亦在長寨黃沙分路迎擊斃賊三百餘名賊匪仍退向西北奔竄欲自畧陽與後

股北竄之賊會合

臣

德楞泰派溫春達音泰等帶領步隊

沿途追殺約有二三百人復同阿哈保阿穆勒塔等帶領

馬隊繞道馳至接官亭出其不意殺賊四百餘名餘匪遂

南出道林溝至大安驛

適

明亮自青陽驛帶兵東來兩

面夾擊又殺賊六百餘名賊匪向西南奔竄直趨棧道

臣

德楞泰等急帶兵至平陽關

臣

明亮等急帶兵至五丁關

截其入川之路詎賊匪由白巖河胡家關一帶又向鐵鎖

關東南大山竄去

臣

德楞泰明亮亦趕至鐵鎖關進兵其

後股北竄之賊前經

臣

宜縣飛咨秦承恩王文雄帶兵勦

捕詎賊匪探知北路有兵復自鳳縣竄入甘省之兩當縣

境內經副將李文蔚帶兵在劉官店截殺遂由楊家店小路竄至徽縣城下知縣牛中幹縣丞張伯魁等督率鄉勇

竭力堵禦賊匪退屯王家坪

臣

宜縣途次飛札索費英阿

急帶駐守雞頭關之兵由鳳縣跟蹤追殺另調知府朱爾

漢遊擊范濬帶領防守白馬關之兵迎頭截擊賊匪遂由

楊家河分投竄出畧陽其時甘肅協濟川省軍糧運至畧

陽者已有一萬餘石委員知縣馬允剛等急將糧石搬移

城內知縣崔五峯縣丞丁貴興把總張從周等帶領兵勇

設伏夾門溝伺賊匪將近施放槍礮人馬驚逸步行之賊

自相擁擠及跌入嘉陵江中者約共三百餘人餘匪不敢

近城盡行南竄臣宜縣復派烏爾圖那遜帶兵五百名前往協勦臣等伏查此股竄出畧陽之賊人數無多現有索費英阿范濬烏爾圖那遜等三面夾擊諒不難於殲滅惟竄入東南大山之賊地方縣互千里路徑叢雜處處可通賊首高均德李全張添倫籍隸河南湖北無日不思竄歸經臣等多方截殺不能南渡漢江遂竭力西奔暫於川陝交界處所藏匿希圖官兵追擊卽乘間復出南鄭西鄉各隘口竄入楚豫兩省臣等節次追捕雖已將數萬之賊殲戮大半祇因路徑紛歧兵力不敷布置致令闖入川界悚惶愧赧無地自容若復令竄入陝境與湖北之賊會合臣

等罪更難逭惟有於南鄭西鄉各隘口嚴密防堵使賊匪  
不能折回臣宜縣卽帶柯藩關騰之兵馳至西鄉紫陽一  
帶分派鎮將在罐子山漁渡壩等隘口嚴防一面飛咨秦  
承恩王文雄帶兵趕來漢中於毛狗洞等處隘口防守各  
分段落以專責成臣明亮暫住鐵鎖關防其折回並堵後  
股竄出畧陽之賊臣德楞泰仍帶原兵入山偵賊所在分  
路追截務期擒拏首逆上紓

聖廬

諭曰前據宜縣等奏稱旬日之內可以擒拏首逆勦辦自當得有  
把握方計日以待捷音乃此次奏到之摺仍不過分路追勦情

形且復任賊匪分路竄入川陝交界是前奏竟係支吾搪塞藉此延挨時日伊等疊經嚴旨飭催豈全不知愧恥必欲自蹈重罪耶現在張添倫之子張建國已經拏獲而首逆尙在輾轉奔逃是誰之過宜縣等務須倍加愧懼奮力兜擒速將高均德李全張添倫等按名拏獲以便德楞泰明亮卽赴川省協勦勿再仍前貽誤並著將張建國一犯解京訊辦不得稍有疎虞

八  
初九日

諭曰現在賊匪旣由甯羌翻山入川自應躡蹤追勦設法繞截屢降諭旨令德楞泰明亮於陝匪辦竣後卽行赴川協勦伊二人此時竟當帶兵馳赴廣元一帶繞出賊前迎擊並著勒保派兵

堵截與德楞泰兩面夾擊此股賊匪本由陝入川經官兵截回  
陝省今又由陝竄入川境實屬不成事體德楞泰明亮務卽奮  
力截勦將此股賊首一律殲擒宜縣仍當駐劄陝境嚴行防堵

十七日

公奏言高均德等賊匪屢經官兵在陝截殺遂由鐵鎖關  
一帶竄入川境臣於五月二十六日帶兵六千餘名由黃  
壩驛跟蹤追勦又恐南山內道路紛歧賊匪或乘間仍由  
別路竄回陝境當督同阿哈保賽沖阿溫春總兵達音泰  
巴圖魯侍衛等率領兵丁分道截擊該匪等一路狂奔不  
能回顧六月初二日追至廣元之木門壩我兵乘勢掩殺

當斃六百餘人賊衆望前奔逸又竄至南江之長池壩地  
方時有阮正通等各股賊匪在彼屯踞該匪等遂與合夥  
臣等初三日酉刻會齊數路官兵冒雨趕抵該處見賊衆

占據恩陽河大山

臣

卽於對面山梁紮住時已天晚未便

進攻復恐該匪等乘夜偷襲我營起更後密派阿哈保德  
甯等於賊巢左邊山礎下埋伏又派賽沖阿達音泰等於  
右邊樹林內埋伏如賊撲營卽令兩邊齊出來擊一面暗  
傳號令營內各將士俱在卡牆排列火槍潛行偵伺至四  
更後果有賊人率領匪黨直撲前來我兵當卽施放排槍  
擊斃賊匪二百餘人賊衆卽行撤退我兵從後掩擊又殲

斃一百餘人賊匪紛紛奔竄復被阿哈保賽沖阿等兩路伏兵迎頭攔截殺死四百餘人生擒張先等三十餘人賊衆捨命分逃俱向東南一帶竄去提訊張先等供稱高均德等在長池壩地方始與阮正通會合聞龍紹周王正潮等幾股已向前去高均德說要探聽龍紹周等如已與羅其清冉文儔合夥卽便逃至該處再作算計今被官兵殺散阮正通先已逃去高均德亦隨後跑走等語當將該犯等正法臣伏思高均德等旣已竄往前途不惟可與龍紹周等互相聯絡且可與羅其清冉文儔等一氣勾通現在督率將弁趕緊窮追一面飛咨惠齡恆瑞帶兵迎截惟期

併力圍剿不使折向北竄如賊匪被剿情急向東奔逃臣  
卽飛咨勒保派兵迎擊以冀速行歲事所有連日傷亡并  
兵查明另行咨部

諭曰德楞泰縱賊入川合夥迄未擒獲一名種種遲緩罪竟與明  
亮埒著革去御前侍衛署領侍衛內大臣都統仍留副都統職  
銜以觀後效

二十九日

公偕惠齡恆瑞奏言臣德楞泰截殺高均德等賊匪因該  
匪等向東南竄逸卽飛咨臣惠齡等帶兵迎頭攔剿臣德  
楞泰卽督率官兵緊躡賊蹤於初六日追至石人河地方

時

臣

惠齡恆瑞早已帶兵於要隘堵遏見匪衆竄至遂各

奮力迎擊賊猶抵死抗拒適

臣

德楞泰督領溫春阿穆勒

塔等從後追殺而至當斃六百餘人賊始慌亂狂奔

臣

齡督率副將銜穆克登布等

臣

恆瑞督率總兵觀祥副將

德忠等各於要路迎頭截殺又斃五百餘人賊匪不敢拒

敵俱向東南玉山一帶四散分逃統計此次殺賊一千餘

人生擒蘇巧等五十餘人

臣

德楞泰與

臣惠齡恆瑞會合

當提蘇巧等嚴訊據供高均德連被官兵剿殺原想與羅

其清冉文傳等合夥先令阮正通黑夜偷從僻徑另走希

圖牽綬官兵高均德卻從此路竄逸不想又被官兵殺散

聞得冉文儔龍紹周等要往巖峯灘今高均德等想是仍尋冉文儔等前去等語當將該犯等正法臣等思高均德等窮竄餘生恐復折回陝境而羅其清現在屯聚箕山若

任冉文儔奔赴巖峯灘一帶難免不與羅其清歸併必須

分投勦辦當卽公同商酌

臣

德楞泰帶兵由玉山一帶兜

剿高均德等

臣惠齡恆瑞由立山一帶截勦冉文儔等卽

於初七日分路進兵

臣

惠齡恆瑞於初九日馳抵黑馬山

據報冉文儔龍紹周等股匪逃至老林場山梁屯踞

臣

卽抄赴該處西北山梁紮駐遙望賊踞之山前面均係危崖峭壁不能進攻山左有一小徑山右乃係上山之路搶

至山腰方可會聚

臣

惠齡於初十日五鼓帶兵由山左小

路攀援而上黎明行至山腰見有賊卡我兵連拋火彈將

賊人卡柵焚燒賊匪猝不及防驚慌逃走被我兵截殺一

百餘人乘勢直上半山時

臣

恆瑞帶兵由山右搶上連撲

賊卡三座殺斃二百餘人餘衆竄上半山適

臣

惠齡督兵

堵截又殲斃一百多人遂與恆瑞合兵奮力仰攻擊破半

山賊卡殺賊無數賊匪俱奔赴山梁我兵乘勝直上賊人

蜂擁下壓我兵槍礮並發又斃賊八九十名並連將賊卡

焚燒一時煙焰蔽山賊衆四處奔竄被我兵分投擊殺並

滾崖落澗者不計其數賊由密箐山溝內紛竄東南而去

生擒趙連等七十餘人奪獲刀矛三百餘件賊旗十二桿牛馬五十餘頭提訊獲犯趙連等據供前日龍紹周與王正潮冉文儔合夥之後卽從關口梁逃至老林場山梁原想奔赴羅其清一處地險人多冀與官兵對敵不料官兵由西北殺來不能逃往箕山祇可仍由東南奔竄等語當將該犯等正法臣等伏思該匪蹤跡無常必須急爲兜勦並卽遏其竄往箕山之路隨率領將士悉力窮追沿途均有殲獲十四日逼至渠縣之大神山一帶賊復拒險屯聚已離箕山甚遠臣德楞泰追躡高均德等賊匪於初七日由玉山一帶趕至九股青岡聞該匪等擾至張家寨石橋

河等處

臣

德楞泰恐該匪偷渡東竄擾至達州當派副都

統賽沖阿等帶領索倫吉林兵丁星馳往勦該匪等一見

官兵卽向永興場逃走賽沖阿等帶兵掩殺殲斃二百餘

人餘俱折回南竄

臣

德楞泰督率將領分路前進據總兵

達音泰遊擊馬瑜等於鐵釘埡追及賊匪奮力擊斃二百

餘人又據阿哈保副將德甯於西河山一帶遇見賊匪一

百餘人當卽殲戮淨盡

臣

德楞泰趕至石橋河正遇高均

德等一股賊匪向北奔竄卽督兵奮力截殺立斃三百餘

人該匪等遠向大神山一帶奔逃

臣

德楞泰於十四日趕

至黃泥坪與

臣

惠齡恆瑞會晤現在川陝各賊黨均在一

處正可聚而殲除臣等兵力旣會不慮勢單自當設法先將冉文儔等會同剿滅以冀次第掃除但查大神山之南正通渠縣該處有大河一道係巴河達河彙合之處舟楫可通恐該匪被勦情急又思偷渡臣等現已飛飭渠縣先將北岸船隻盡數撤赴南岸並飭該令督率鄉勇等於河之南岸設卡嚴防勿任偷越所有連日傷亡弁兵查明另行咨部

諭曰德楞泰等奏截剿賊匪一摺祇不過分路追擊情形並未拏獲李全高均德仍任與冉文儔竄合一處而李全下落又未提及實屬無能已極惠齡恆瑞德楞泰俱著傳旨嚴行申飭昨日

有旨責成伊三人作爲一路併力勦辦此股賊匪務須各知愧奮趁賊首在大神山竄聚之時會合兜圍將各首逆按名拏獲勦淨餘匪再將羅其清股匪一併殲除勿稍延緩再前聞各省賊匪竄入川境後川匪以伊等桑梓地方不容他省教匪前來擾害是以齊王氏姚之富高均德等仍由川折回陝西省而劉成棟等亦由川東竄回湖北今高均德等在陝被勦情急又復關入川省若川匪仍前與之爲難則該首逆等前有川匪阻擋後有官兵追擊而甯沔一帶又有秦承恩王文雄等帶兵防堵無從竄入正是極好機會卽此時陝匪已與川匪勾合惠齡等何不設計離間俾其疑忌內潰既可以賊攻賊而官兵搜勦更當

事半功倍以視東竄西擊惟事尾追豈不難易懸殊惠齡等於此等機宜豈竟全未想及一籌莫展耶特此詳悉指示著惠齡等接奉此旨務須相機妥辦勿得坐失機宜爲要

七月初十日

公偕惠齡恆瑞奏言

臣

等前將冉文儔等各股匪並陝匪

高均德等兩面夾擊逼至大神山屯踞以冀次第掃除惟

查各股匪衆二萬餘人互相結寨縣瓦五六十里復於山

腰設立木城深挖濠塹並於上山要路處處挖斷而山前

之打石坡喻家埢等處又令夥匪設卡把守必須將此兩

處賊卡先行攻克方可相機進剿當於十六日五鼓

臣惠

齡督率總兵李紹祖副將關聯陞副將銜穆克登布參將增德帶兵進取打石坡賊卡臣恆瑞督率總兵觀祥副將馬兆瑞遊擊岳甯阿李天林佐領祿成帶兵追擊喻家埢賊卡臣德楞泰督率領隊賽沖阿阿哈保阿穆勒塔達音泰侍衛墨爾歡保副將德甯許文謨遊擊張朋等帶兵由中路緊扼大神山賊匪奔竄之路并爲四路接應臣惠齡行至打石坡隨督李紹祖等率兵直撲賊卡候補千總武舉洪殿魁首先跳入卡內拋擲火彈將茅棚焚燒我兵奮擁而進刀槍並舉連斃一百餘人賊衆慌亂奔逸我兵奮力掩殺又斃三百餘人洪殿魁受傷陣亡餘匪俱望大神

山竄去

臣

恆瑞帶兵齊抵喻家壩山梁乘其不備鼓勵將

士砍開賊柵奮勇殺入殲斃二百餘人其零星逃逸者不

及百人惟時天已黎明大神山賊匪約有千餘前來救應

經臣德楞泰飭令賽沖阿等奮力迎擊連斃賊匪數十人

該匪不敢迎敵又見兩處賊卡已破驚慌回竄我兵攀援

追殺又擊斃四百餘人餘衆俱各退回山上時已未刻該

處俱無水道連日酷熱異常官兵奮力仰攻受暑甚衆祇

可撤回因恐賊匪乘夜劫營當卽傳知各營將士嚴行偵

伺互相援應至四鼓後果有賊衆千餘人直撲臣德楞泰

營盤我兵待賊將近施放槍礮擊斃數十人賊卽退竄

臣

德楞泰帶兵掩殺殲戮四百餘人正遇

臣

惠齡恆瑞接應

前來兩面夾擊又殺死二百餘人生擒魏高等九人餘衆紛紛竄逸時尚昏夜未便窮追當提魏高等研訊據供冉

文儒等因官兵攻破打石坡等兩處卡子意欲乘夜撲營以圖報復等語餘無要供當將該犯等正法正在設法進攻問探聞高均德等有從土溪偷渡之信

臣

惠齡雖前經

嚴飭渠縣督率鄉勇防堵河岸究恐賊衆勇單

臣

德楞泰

當派都司馬應國帶兵前赴土溪一帶防守並督率三匪

口鄉勇頭張鵬羽冉紹新等沿河堵截以遏賊匪東竄之路猶恐大神山賊匪故智復萌思來劫營以圖牽綴隨各

派將弁帶兵於大營數里外擇要埋伏以備截勦十七日

三鼓竟有賊匪一股來撲

臣

恆瑞營盤經我兵鼓勇迎殺

擊斃二百餘人賊急回竄

臣

恆瑞隨後追殺間

臣

德楞泰

惠齡帶兵接應而來又經穆克登布岳甯阿等伏兵齊起

三路截殺餘匪殆盡所臘二三十人乘夜逃竄適於二十

日午後雷雨交加風勢猛烈遙望賊巢昏黑莫辨

臣

等料

賊必無準備當於是晚分兵三路進取

臣

惠齡督兵甫行

十餘里聞樹林內似有往來行走之人當卽派兵搜捕詎

有千餘賊匪突然撲出當卽帶兵截殺殲賊三百餘人生

擒何良等三十餘人

臣

恆瑞一聞槍礮之聲趕來接應兩

面夾擊又殺賊四五百人餘皆乘夜分竄臣德楞泰帶兵至山下見賊約二千餘人潛行下山料係救援之賊當卽督兵迎頭勦殺該匪等先自驚惶又經達音泰箭斃執旗賊目一人手殺二人益形潰亂我兵奮勇掩擊斃賊三百餘人賊匪潰散臣等方欲接應惠齡一路正遇惠齡勦敗之賊竄來又復前後夾擊殲戮淨盡旋據馬應國等稟報連日會同候補知府署渠縣事倪鼎銓等截擊土溪之賊斬獲甚衆該匪等不能竄越均已折回此時三匯口運道並無梗塞等語查賊匪等不能偷渡渠河冉文儔等各股自必踞住大神山死守勢須誘賊下山設伏截勦當於二

十三日晚間密派賽沖阿達音泰穆克登布岳甯阿等帶  
兵潛赴賊巢附近林箐埋伏二十四日清晨將各營撤退  
揚言迎勦北來陝匪是日微雨該匪等見我兵移動公然  
率衆下山竟襲我兵之後官兵回身截殺當有行營千總  
勤勇巴圖魯徐有山箭斃執旗賊目一人連殺三人復有  
把總武文玉槍斃賊人二名賊匪捨命抗拒徐有山武文  
玉俱各中槍陣亡我兵憤恨之極奮力掩殺殲賊三百餘  
人賊慌急回奔我兵隨後追擊又斃賊四百餘人時賽沖  
阿達音泰穆克登布岳甯阿等伏兵齊出迎頭攔擊斃賊  
六百餘人餘衆亡命狂奔分投潰逸此次誘殺賊匪一千

四百餘人生擒雷寬等一百餘人訊據供稱冉文儔與高均德等見官兵移動趕派二千人從後抄襲搶掠物件至冉文儔及陝省各頭人並未下山等語當將雷寬等卽行正法臣等思此番誘賊下山冀圖掩擒賊首乃該匪等止遣夥黨前來未能獲一首逆現在三路合兵仍卽趕緊逼勦務期迅掃賊巢生擒首逆

諭曰據惠齡等奏稱賊匪互相結寨縱互數十里賊衆祇有二萬餘人又經官兵分路擊勦據稱先後殲賊三千餘人則現在賊匪不過萬餘何能連營如許之長且遠中間豈竟無隙可乘自當相度機宜或擇其疎空之處破其一二營寨則其餘卽可迎

刃而解茲聞來奏乃轉爲賊匪虛張聲勢尤屬可笑卽所稱酷  
熱異常官兵受暑甚衆豈官兵受暑而賊匪獨能耐熱乎惠齡  
係那延泰之子在軍機章京上行走有年於軍務較爲熟悉此  
路軍務著責成惠齡專辦不可心存觀望仍著恆瑞德楞泰實  
心幫同協力勦辦亦不得稍存推諉所有此次打仗陣亡之行  
營千總徐有山候補千總武舉洪殿魁把總武文玉俱著咨部  
加等議卹

二十二日

公偕惠齡恆瑞奏言查冉文儔等各股賊匪屢經被殲惟  
恐官兵進逼每日添卡挖濠搬運木石而於土溪一帶又

遣賊人砍木紮筏思欲偷渡渠河以爲緩則固守急則奔

逃之計

臣德楞泰於七月初四日由土溪三路進兵攻至

望生坡獲賊一百餘名一面復派遊擊伯明都司馬應國

帶領兵勇八百名夜半由李福溪林壩溪過河於西山後

林內埋伏並令林壩溪河東鄉勇暫撤至福長寨預爲伺

備示以東岸無人該匪等必來探水偷渡以期截殺

臣惠

齡恆瑞探得香安坪土門埡一帶山梁爲賊人出入路徑

當卽知會德楞泰從賊巢東面鷹嘴巖進攻以牽其勢

臣

惠齡恆瑞從賊巢西面玉皇寨一帶山梁分攻香安坪土

門埡賊卡並派總兵觀祥副將凝德德忠穆克登布等各

帶兵丁四周埋伏以爲接應七月初五日五鼓同時進發

臣惠齡督率總兵李紹祖副將關聯陞佟世徵參將增德

等帶兵進攻香安坪賊卡賊人率衆抵抗我兵奮力進撲

卽時將卡牆打破殲賊三百餘人賊衆奔潰生擒周貴等

二十餘人奪獲刀矛一百五十餘件

臣恆瑞督率副將馬

兆瑞遊擊岳甯阿李天林佐領祿成等帶兵進抵土門埢

督令併力攻撲相持未久當將賊卡打開殲斃二百餘人

賊始驚竄

臣惠齡恆瑞合兵一處正在拏卡詎該匪狡詐

百出鳴鑼擊鼓約二千餘人從三板場鼓噪而來欲撲官

兵又有一股賊匪約一千餘人從金家場撲來在官兵北

面呐喊而東西兩面各有賊匪一二千人冀圖邀截官兵

臣惠齡恆瑞督令李紹祖關聯陞馬兆瑞岳甯阿等分頭

迎勦當有凝德德忠各領兵丁從外奮勇殺入斃賊一百

餘人我兵見有接應人人用命兩面夾擊又斃賊六七百

人生擒一百餘人是時三板場賊匪正在紛紛上山適觀

祥帶兵趕到趁勢下壓斃賊八九十人賊匪折回逃竄官

兵從後掩殺又斃賊四百餘名賊衆驚慌無措滾崖墮澗

惟時金家場一股賊匪搶上山包正來攻撲副將銜穆克

登布帶兵迎擊首先斃賊二人我兵奮勇截殺當斃賊三

百餘人賊衆驚惶奔逸我兵乘勝掩擊又斃賊二百餘人

餘匪各從坡礮竄逃

臣

惠齡恆瑞聚集各兵當將香安坪

土門壠山梁占踞並乘勝奪獲山坡下賊營三處

臣德楞

泰督率領隊賽沖阿溫春阿哈保阿穆勒塔達音泰副將

德甯遊擊馬瑜等帶兵進至鷹嘴巖據報李福溪一帶有

賊二千餘人潛至河邊思欲搶渡

臣

德楞泰卽帶兵趕至

李福溪已經前派之伯明馬應國帶領伏兵迎頭截擊殲

賊二百餘名

臣

德楞泰從後抄殺又斃四百餘人割獲首

級一百餘顆淹斃者約六七百人生擒周德勝等四十九

名訊據供稱我等係高均德手下人高均德龍紹周派令

頭目宋金祿等帶領夥匪二千人因見東岸無兵把守思

量偷渡過河高均德等隨後亦要逃走今被官兵截殺殆盡宋金祿又被射死等語餘無要供當將該犯等正法臣

等此次三路官兵統計殲賊三千餘人而首逆未擒實深憤懣查各股賊匪聚於一處臣等自北兜勦勢不能折回

北竄而渠河一帶屢被我兵截殺偷渡無方此時屯踞大

神山不過恃衆據險正可聚而殲擒臣等飭令三匯口壘

蟲溪各河口地方多撥兵勇嚴加防堵臣等三面環攻逐

層進逼以期掃除各逆

諭曰此次惠齡等分兵三路設法攻擊雖將香安坪土門埡賊卡

占據各路殲賊三千餘人畧形振作但前據惠齡等奏大神山

之打石坡喻家埢爲賊匪要隘業經攻克自可乘勢直前擒拏  
首逆今又未能直搗巢穴僅攻克賊卡二處是所奏情形仍不  
過藉詞展緩一奏塞責惠齡恆瑞德楞泰仍著嚴行申飭現在  
攻克之地係附近賊巢爲賊人出入必由路徑惠齡等已合兵  
一處拏卡圍逼是其要隘已失無可拒守而渠河一帶偷渡之  
賊又屢經官兵截殺無虞東竄且據奏此次賊匪分路攻撲營  
盤不過四五千人而惠齡德楞泰等兩路所帶官兵共有萬餘  
務須督率將士三面環攻直搗賊巢速將各賊首按名拏獲總  
之打仗殺賊全在統兵大員親臨行陣身先督率將士方能用  
命凡兵丁可到之處惠齡等亦必當身臨其境督兵奮擊毋得

僅在後隊以致將領兵丁羣相觀望

二十九日

公偕惠齡恆瑞奏言竊照冉文傳與陝匪高均德等各股  
賊匪屯聚大神山經臣等將香安坪土門埢賊卡奪占並  
截殺李福溪偷渡各匪賊人勢甚驚惶刻思逃遁而三匪  
一帶又經臣德楞泰派遊擊伯明都司馬應國帶兵一千  
名會同署渠縣事倪鼎銓派撥鄉勇日夜沿河堵禦不致  
竄越自應乘勢進剿查賊巢南面距三匯大河不遠而沿  
坡賊卡林立未易進兵須東西北三面潛行襲勦如能打  
破賊巢卽有竄逸賊匪前阻大河正可從後掩殺逼勦入

水臣等當於七月初十日分兵三路同時進攻臣惠齡督

率總兵李紹祖副將關聯陞副將銜穆克登布馬國銳攻

取西面臣恆瑞督率總兵觀祥副將馬兆瑞德忠遊擊岳

甯阿帶兵從北面進攻臣德楞泰督率領隊賽沖阿阿哈

保達音泰副將德齡遊擊馬瑜帶兵由東面進勦均於四

鼓起行攀崖陟嶺而上臣惠齡鼓勵將士當將賊巢西面

一帶木柵打開一擁而入連拋火彈立將賊人茅柵焚燒

賊匪從睡夢中驚醒冒烟衝出者約三四百人俱被官兵

殲斃臣恆瑞督率官兵奮勇搶上山梁直隸把總張奇首

將北面賊卡砍開拋擲火彈各處焚燒殺斃三百餘人張

奇中槍陣亡其東面賊卡

臣

德楞泰督令官兵奮勇搶撲

賊匪猝不及防都司李東山跳上卡牆砍死賊匪數人我

兵相繼競進遂將賊卡攻破槍箭並發殺賊四百餘人

臣

等遂合兵攻撲賊巢正在短刃相接忽有賊匪二千餘人

從官兵後面趕上抵死衝突以爲牽綴而火光中遙見賊

衆均向西南大山一帶紛紛竄逸

臣

等料其不能由三匯

口渡河第恐折往靜邊寺一帶竄赴箕山與羅其清一股

勾合

臣

德楞泰卽帶領巴圖魯侍衛富僧德等率領索倫

吉林官兵抄至黃渡河迎頭截勦並派領隊賽沖阿溫春

等帶兵前赴駱市橋一帶截勦又派副都統阿哈保阿穆

勒塔帶兵前赴小山寨一帶埋伏

臣

惠齡恆瑞分督官兵

將抗拒之賊奮力勦殺當斃六百餘名餘賊四散奔逃我

兵分投掩殺又斃

臣

惠齡恆瑞隨卽帶兵追殺

兩日一夜十二日辰刻趕至靜邊寺又殺賊三百餘人聞

前路槍礮之聲甚緊

臣

惠齡恆瑞催督鎮將弁兵馳抵黃

渡河時

臣

德楞泰正在河口截殺斃賊一千餘名賊衆沿

河亂竄捨命搶渡

臣

惠齡恆瑞由左手抄擊

臣

德楞泰仍

帶索倫吉林官兵由右手截勦殺死及淹斃者約一千餘

人生擒鄧宗文等五百餘名

臣

等正在帶兵渡河忽見對

岸騎馬賊匪數百人蜂擁而至

臣

德楞泰卽帶馬隊官兵

先行渡河

臣

惠齡恆瑞帶領步隊官兵踰淺急渡該匪等

直撲步隊勢甚猖獗我兵半渡之際毫不慌亂俟賊臨近

槍箭齊發連斃三十人賊匪愈聚愈衆經

臣德楞泰帶

領馬隊由賊後奮力掩擊見有手持大旗賊目四五名來

往指揮當有索倫佐領世襲輕車都尉阿勒唐古爾衝入

賊隊箭斃賊匪十餘人中槍陣亡我兵人人憤憾一擁前

進侍衛富僧德箭射執旗賊目左膀帶箭脫逃又有索倫

委驥騎校五十五槍斃執旗賊目一名遊擊張朋射死身

穿蟒袍賊目一名賊始慌亂

臣

惠齡等帶兵上岸督率官

兵兩面合擊殲賊四百餘名餘匪紛竄適有賽沖阿阿哈

保等兩路官兵追殺各處埋伏接應賊匪四散奔逃臣等隨卽迎頭截擊又斃賊六百餘人生擒黃仕焜等三百餘名餘匪俱竄向龍鳳坪大包山一帶時已天黑暫行禁住臣等當提鄧宗文黃仕焜研訊據供冉文傳與高均德龍紹周禹斯珍龔建王正潮等六姓賊首共有一萬數千人屯踞大神山一帶初十日官兵半夜進攻打破卡寨頭人等分路逃走不能偷渡渠河卽從靜邊寺河邊逃走想到箕山與羅其清合夥又被官兵趕至黃渡河殺死幾千人陝西大頭目禹斯珍中槍身死高均德左膀帶箭脫逃穿蟒袍者是冉文傳之弟冉文宇又被射死等語餘無要供

當將該犯正法查此次各路殺賊共四千餘人又自行投首馮秉鈞楊示祥等四百三十六名當卽訊明委係營山縣地方被擄百姓逐一分別釋放惟冉文儔等仍未生擒臣等寃深憤懣慚惶現在該匪等竄往龍鳳坪一帶自當竭盡心力分兵抄賊之北相機兜勦以期生擒元惡掃盡餘氛

諭曰此次惠齡等分路乘夜進攻打破賊卡痛殲賊衆四千餘人所辦較爲振作但賊目禹斯珍之名從未奏過而且並未生獲雖經槍斃不足爲功然賊匪經此痛勦已有潰散之勢惠齡等惟當趁此時督率官兵緊躡賊蹤或繞前抄截或分路兜擒或

用間計誘況高均德業被箭傷自不能遠竄務須乘此勝勢卽行擒獲而冉文儔等之勢更孤亦即可迅就殲擒一俟肅清此股賊匪即可移師擇要會勦其陣亡之索倫佐領阿勒唐古爾把總張奇俱著各部加等議卹

八月初八日

公偕惠齡恆瑞奏言高均德冉文儔等各股賊匪經大神山黃渡河截殺敗散之後竄至龍鳳坪一帶負嵎據守

臣

等當卽帶領官兵分路繞道抄至賊巢北面扼要堵截連日細加察探冉文儔龍紹周龔建等俱屯聚龍鳳坪距箕山三十餘里該處山勢險峻中有鑼鼓頂一峯特起下有

薄道嶺一道僅容一人行走徑極窄狹前通馬鞍山亦甚  
陡削該匪等於馬鞍山設卡二座扼我官兵其箕山東北  
廖家碥係阮正通等屯守箕山西北大廟場係高均德王  
正潮等盤踞均在龍鳳坪之南互爲聲援臣等公同商議  
必須先將馬鞍山賊卡攻占方可進逼賊巢又緣賊股衆  
多山路叢雜恐賊匪等從馬腳跡山梁襲我之後尤應分  
路預防當於二十四日四鼓分路進攻臣惠齡督率總兵  
李紹祖副將關聯陞副將銜穆克登布前鋒參領佛甯臣  
恆瑞督率總兵觀祥副將馬兆瑞遊擊岳甯阿佐領祿成  
各帶官兵進撲馬鞍山賊寨臣德楞泰督率副都統阿哈

保總兵達音泰巴圖魯侍衛富僧德墨爾歡保副將德甯  
許文謨扎勒杭阿遊擊馬瑜帶領滿漢官兵由硝水河至  
馬腳跡山梁擬由中壩過河會搶馬鞍山頭寨適石花溪  
寨長報稱茶房坪現有賊匪約千餘人欲搶馬腳跡山梁  
等語臣德楞泰當卽帶兵紮住團土包嶺該匪等蜂擁前  
來搶撲我兵槍箭齊發並用大礮轟擊斃賊六七十人該  
匪等始行敗退官兵乘勢下壓又殲三百餘名賊衆四散  
潰逸當留官兵暫禁山包控扼臣德楞泰卽帶兵抄出蓑  
草嶺中壩過河督兵齊至馬鞍山西面進攻惟時臣惠齡  
恆瑞帶兵進發距馬鞍山約五里見有賊匪四五百人自

南而來

臣

等督兵截殺殲戮殆盡據獲賊供稱係冉文儔

差赴老林場欲搶奪糧臺不意正遇官兵截殺現在馬鞍

山有兩箇寨子其有一千餘人是冉文儔之姪冉添元率

衆把守等語當將該犯等正法

臣

等鼓勵將士趕至馬鞍

山併力擒撲該匪捨命迎敵矢石亂下相持兩時之久當

有遊擊張朋手執標牌跳上卡牆砍開寨柵我兵一擁而

進齊上山梁奮勇勦殺斃賊二百餘人張朋及千總馬光

宇外委楊志正均經受傷時已天明見有戴翎賊目二人

騎馬指揮抵死相拒並招呼二寨賊衆盡數前來接應適

臣德楞泰帶兵從西南首先搶上有黑龍江領催署防禦

圖敏箭斃戴翎賊目一人賊始慌亂其一人率衆奔逃

臣

等合兵追殺殲戮七百餘人其戴翎賊目正在驚竄之際又爲吉林甲兵法金保箭斃餘匪捨命奔潰俱向龍鳳坪一帶竄去

臣等隨將馬鞍山頭寨

寨奪占計此次殺賊

一千餘人生擒唐義等四十餘名

臣等提訊唐義等據供

戴翎頭人係冉文儔堂弟冉文富胞姪冉添元均係起事

時主謀之人冉文儔年逾五十並無主張專恃二人籌畫

凡遇打仗二人率領匪黨無不聽其指揮今俱被官兵射

死餘無要供當將該犯等概行梟示

臣等隨卽乘勝攻撲

龍鳳坪

臣德楞泰帶領各兵先將大埡口搶占連破賊營

四處大壙口距薄道嶺不遠而薄道嶺爲龍鳳坪賊巢門戶臣惠齡恆瑞卽督官兵分爲兩翼極力攻撲賽沖阿阿穆勒塔溫春帶領黑龍江吉林佐領西靈阿明德等連射賊匪數十人應弦而倒賊匪拒守不住紛紛退散我兵刀砍矛截連斃三百餘人佐領蘇清阿委驍騎校額書雲騎尉瑪達奈藍翎前鋒委署章京額爾京額均經受傷餘賊捨命竄上鑼鍋頂我兵從後追躡又連破賊營二處而龍鳳坪賊匪向觀音巖奔竄我兵趕緊追擊又斃賊五百餘人擒獲鍋帳米糧無算生擒張舉等男婦一百四十六名口訊無要供當卽分別辦理查觀音巖前係黃土河河南

卽係箕山此時若卽窮追恐廖家碥大廟場各股賊匪兩路邀截必致前後受敵現在冉文傳等亦俱竄往箕山附近一帶屯聚臣等惟有竭盡心力趕緊進攻

諭曰據稱冉文傳全賴冉文富冉添元爲之主謀今該一犯業經射斃冉文傳失所倚恃更易擒獲惠齡等所帶官兵約計一萬有餘際此秋高氣肅尤爲百倍驍騰亟宜擒縛渠魁殲盡黨夥設再不知愧奮迅速進攻復任賊匪往來勾結聯爲一氣以致勦辦需時必當重治惠齡等之罪懔之

十一日

諭曰川北賊匪與川東聲息相通今聞王三槐就擒總統帶領大

兵將到自必聞風潰散惠齡明亮等正當趁賊匪恇懼之時或曉以禍福解散黨夥或鼓勇進攻伏兵截擊將高均德冉文傳羅其清徐添德阮正通張漢潮劉成棟牟登元等按名擒獲尙可稍贖重愆若得勒保擒渠奏捷之信竟毫無愧怍仍復遷延時日必待勒保到彼方能竣事則伊等玩誤之罪更無可曲宥矣

二十四日

諭曰箕山賊匪自前次惠齡等攻克馬鞍山龍鳳坪營寨後敗逃之賊又復分股奔竄逼近陝境總由伊等不能乘賊匪屯聚之時設法攻圍繞道兜截以致各股賊首分路竄出惠齡恆瑞德

楞泰俱著傳旨再行申飭仍俱革去花翎令其戴罪圖功自贖

二十八日

公偕惠齡恆瑞奏言竊照高均德冉文傳等賊股衆多分駐箕山南北若專擊一股則各股接應且恐羅其清乘機抄襲尤與我兵不便查羅其清負嵎據險聚衆二萬餘人各賊藉其聲勢結寨相依如將羅其清一股挫其兇鋒則各股易於勦辦但箕山陡險未易仰攻計惟誘其下山以圖截殺當於七月二十八日三更臣惠齡密派總兵李紹祖副將關聯陞穆克登布前鋒參領佛甯臣恆瑞密派副將九十遊擊岳甯阿佐領佛爾清額祿成各帶官兵前赴

龍鳳坪前面埋伏臣德楞泰密派賽沖阿阿哈保總兵達

三泰侍衛富僧德副將德甯遊擊馬瑜等帶領兵丁潛赴

石花寨下埋伏接應次日巳刻臣等各將官兵撤退放礮

移營陸續下山之際見箕山有白旗十數桿蜂擁而來忽

分兩股一抄

臣惠齡恆瑞營盤一撲

臣德楞泰官兵後尾

當有兩路設伏官兵從後掩殺

臣

等帶領阿穆勒塔溫春

觀祥等折回迎擊兩面合攻殺斃賊匪一千餘人奪獲刀

矛器械八百餘件生擒何世官等一百二十四名訊據供

稱羅其清與陝匪各股俱曾會過惟與冉文儔有隙不許

上山冉文儔遂約陝匪等分屯箕山坡下仍思借其聲援

羅其清今早見官兵移營隨撥五千人下山抄襲今被官兵勦殺大半掌旗頭人王正奉亦被射死等語當卽概行正法臣等欲乘勢攻勦旋據差弁探報高均德翼建龍紹周徐萬福唐大信等各股陝匪見箕山賊匪被殺甚多同時分往西北奔竄又據報稱將軍富成追勦徐添德一股從營山趕往水東寺一帶臣等恐陝省各匪勾合徐添德竄回陝境且富成一路兵力稍單臣德楞泰自應帶領官兵前往兜勦臣惠齡恆瑞查陝匪股數衆多設有分竄德楞泰之兵亦恐不敷分布是以不敢拘泥專辦羅冉二逆當卽分路兜截臣德楞泰挑帶馬兵從柳林鋪抄擊臣恆

瑞從萬安場抄截不使竄越陝境並飛咨富成併力環攻時富成追勦徐添德樊人傑至觀紫場已與高均德等會合查觀紫場西北可通蒼溪巴州

臣德楞泰卽督兵從北

面勦殺斃賊四百人又經索倫吉林官兵射斃賊匪三百餘人

臣恆瑞從右面兜勦殺賊三百餘人適

臣惠齡帶兵

由雞公嶺抄來正遇竄回各匪迎頭截殺又斃三百餘人

該匪等竄至壁山廟土門鋪一帶又探得復興場一道河

一帶亦有賊匪擾我後路

臣惠齡隨卽帶兵前往該處勦

捕

臣

恆瑞德楞泰星夜分爲兩路一攻壁山廟一攻土門

鋪天甫黎明賊匪正在炊爨官兵齊集壓擊賊匪驚惶無

措又被殺死六百餘名生擒周從忠等三百七十餘名富成從走馬梁壓下斃賊二百餘名該匪等拋棄牛馬衣物糧食捨命竄往觀音寺山梁負險抗拒當有黑龍江委驍騎校哈新查吉林委佐領巴彥保四川外委周志林等奮不顧身首先搶上山梁殺散賊匪哈新查等均受多傷臣恆瑞德楞泰帶兵追殺一百八十餘里沿途斃賊一千餘名生擒唐正耀等一百二十餘名官兵晝夜分馳實皆奮勉出力復探得賊匪竄入雙河場臣德楞泰帶領馬隊乘夜追至該處衝入賊隊斃賊五百餘名臣惠齡將復興場一道河竄匪勦盡後從天池寺帶兵趕到又斃賊二百餘

名餘賊紛紛敗竄我兵追至徐家場稍歇馬力隨探聞賊匪竄至集龍場臣等卽督兵追往官兵一擁壓下斃賊四

百餘名生擒李道前等四百餘名賊又狂奔定汎寺山梁

屯紮

臣

等督兵搶撲賊膽敢連壓三次

臣

德楞泰帶同阿

哈保阿穆勒塔侍衛墨爾歡保富僧德各領官兵分路搶上又殺賊五百餘名生擒張國治等二百四十餘名戌刻

將山梁盡行奪占委參領桂保委防禦穆騰額長德委驍

騎校尙諾爾守備鄭振貴均各受傷徐添德一股奔逃周

口富成率兵追往

臣

惠齡當卽飛札蓬州牧督率兵勇嚴

加堵截並將船隻收回對岸以防搶渡其餘各股均竄赴

豐登舖一帶

臣

德楞泰帶領索倫吉林馬隊抄出賊前賊

匪見卽奔潰我兵分投趕殺

臣

惠齡恆瑞帶兵截勦直至

豐登舖沿途殺獲三百餘人偵探賊蹤分由倒流河青山

溝竄至郭家溝一帶仍依羅其清屯聚

臣

等卽日分路勦

捕務須乘勢殲除計此次截勦四晝夜殺賊四千餘名擒

獲千餘名訊據唐正耀等俱無要供概行正法

諭曰惠齡等株守多時迨羅其清被官兵誘令下山勦殺高均德

等各股賊匪聞風驚竄富成追勦之徐添德等一股又自營山

前來合夥惠齡等不能預籌堵截徒使將士晝夜奔馳分投追

勦雖斬獲多名而餘匪仍折回與羅其清屯聚各股著名首逆

並未擒獲一名不足爲功其勦殺之賊匪諒不過裹脣附和之衆搘內張大其辭未可深信惠齡等帶如許勁兵勦此敗竄無能之賊日久總未蕪事每遇勦賊打仗猶復覲顏鋪敘惠齡恆瑞富成德楞泰著再傳旨嚴行申飭現在各股賊匪仍折竄郭家溝一帶與羅其清株守之箕山相近而羅其清又分道夥黨攻撲營山縣城徐添德一股又復奔逃周口可見賊匪來去自如毫無攔阻惠齡等務須親率官兵嚴密攻圍或於要隘地方設伏邀擊或乘首逆猜忌之時設計辦理將各首逆按名擒獲稍贖前愆

九月初一日

諭曰近聞川省賊匪有自相攻擊之語想卽係前此惠齡等所奏羅其清與冉文儔有隙不許上山冉文儔遂約陝匪分屯箕山坡下等事若果如此賊黨業已內離勒保到彼或設法用計赦冉文儔之罪令其爲官兵前驅進攻羅其清更可收以賊攻賊之益是亦一法勒保當密爲留意相機速辦至惠齡等在彼勦辦多時何計不及此徒事株守尾追並著惠齡等一體留心設法爲要

初九日

公偕惠齡恆瑞奏言前因各股陝匪分屯西北隨卽分股截勦逼回附近箕山之郭家溝屯踞惟徐添德一股竄往

周口富成跟蹤追捕旋據札稱徐添德與樊人傑王登廷等一見官兵卽竄回營山之插旗山古戰坪鳳凰寺等處分屯拒守請再帶兵圍勦臣等查冉文傳等依附羅其清

屯踞未必卽行分竄而徐添德各股現踞鳳凰寺一帶勢欲阻扼營山渠縣運道並與羅其清相爲掎角使官兵前後受敵必須先將此股賊匪設法攻勦方不致被其牽綴隨一面知會富成從玉鼎山一路堵截臣等卽帶官兵分

爲兩路抄赴走馬嶺一帶進攻行至駱市橋遇見賊匪三千人前來邀截我兵分隊迎殺斃賊七百餘名賊始退去訊據獲賊供稱徐添德現在鳳凰寺等處紮寨羅其清

等派出二千餘人前往幫助不料被官兵堵殺等語當卽

正法是日趕至走馬嶺紮營該處前後均有徐添德匪黨

盤踞

臣德楞泰督率賽沖阿阿哈保溫春阿穆勒塔達三

泰副將德甯等帶領官兵直攻插旗山賊卡

臣惠齡恆瑞

督率總兵李紹祖觀祥副將德忠馬兆瑞等帶兵從插旗

山右手抄擊

臣德楞泰鼓勵將士奮勇擒撲賊匪抵死拒

敵我兵槍箭並發擊斃二百餘人賊衆稍退我兵乘勢進

攻砍開寨柵一擁而入又斃賊二百餘人時

臣惠齡恆瑞

督兵從賊寨之右分投截勦當將餘匪殲戮淨盡與德楞

泰會合卽將插旗山奪占隨勦隨進逼入古戰坪我兵奮

力掩殺又斃賊匪五百餘人乘勝直抵鳳凰寺山下該處  
山勢險峻賊匪業已築就木城爲負隅之計是時天已昏  
黑兼值大雨隨督策弁兵分投撲上賊匪擲石放槍抗拒  
甚力臣德楞泰同阿穆勒塔分帶官兵繞赴賊寨之後扳  
援直上阿穆勒塔首先砍破木城官兵從後擁入拋擲火  
彈立將草棚焚燒賊匪慌亂火光中見有帶翎賊目一人  
執旗奔竄當被都司李東山殺死我兵乘勝掩擊殲賊一  
千餘人遂將鳳凰寺賊巢攻克生擒張貴等二百餘名該  
匪等紛紛潰敗仍向箕山一路奔逸適遇富成帶兵迎擊  
又斃賊一百餘人生擒樊人仲等二十餘人賊匪捨命分

竄該將軍帶兵追往當提張貴等嚴訊據供徐添德樊人  
傑王登廷等三人逃至鳳凰寺見山險可以拒守當有冉  
文傳龍紹周龔建唐大信等各派匪黨共一千餘人幫同  
各處守卡徐添德說築就木城再約冉文傳來此屯紮不  
料官兵就到連破寨子徐添德樊人傑先已逃去王登廷  
已被官兵殺死等語又據樊人仲供係樊人傑之弟前日  
見高均德與樊人傑商量要逃往巴州通江一帶樊人傑  
不允聞得還走箕山同龍紹周等一處住紮餘無要供當  
將該犯概行正法現在徐添德樊人傑竄赴箕山是各股  
賊匪均歸一處正當聚而殲除但賊股較衆道路紛歧易

於分竄官兵四面兜圍不敷分布查各該州縣均有團練鄉勇如調赴各隘口嚴密堵截官兵從正路進攻自更易於集事現飭各該州縣督率鄉勇隨同官兵分投擎卡以退賊匪奔竄之路再據蒼溪縣知縣張安軒稟報高均德一股賊匪於初九日竄入縣屬之高坡場黎家場屯禁

臣

等查高均德一股屢據獲犯供稱現在箕山一帶何以復

有竄入蒼溪之說總緣賊股既多各該縣不加細訪或賊匪狡詐妄託賊首名目爲牽綴官兵之計臣德楞泰一聞

此信恐該匪竄入陝境卽擬帶兵飛馳往勦臣惠齡酌量

情形現在冉文傳徐添德阮正通龍紹周龍建唐大信王

正潮等各股賊匪逼歸一處正當喫緊之時如德楞泰分  
兵前去益覺兵單似應仍留德楞泰在此同勦辦至明  
亮等現將張漢潮股匪逼入南江一帶乘勢追擊設高均  
德果與會合正可一併勦捕則北面亦可無虞

諭曰惠齡等雖將鳳凰寺攻克殲斃賊目而首逆仍未擒獲玩誤  
已極著傳旨嚴行申飭至高均德一股明亮等奏已竄至廣元  
而惠齡等又稱接據蒼溪縣稟報已竄入該縣地方所奏互異  
查明亮等奏摺在惠齡等發摺之後三日自係高均德等已由  
蒼溪復竄廣元現在額爾登保業經帶兵抄赴甯羌一帶迎擊  
惠齡等自當酌量分兵自南而北兩面夾擊何得專辦徐添德

而置高均德等一股於不問此時惠齡等如已將徐添德勦盡  
馳赴廣元固所深望若尙在箕山則伊等三人內卽當酌分一  
人帶領勁兵速赴廣元截擊高均德等一股方不致顧此失彼  
惠齡等於此等機宜竟不知權其緩急豈一味株守與賊相持  
耶

二十三日

公偕惠齡恆瑞奏言臣等合兵勦賊三月有餘未能擒獲  
首逆萬分愧懼緣賊股較衆當將箕山賊匪設計誘殺詎  
陝匪各股間風奔竄官兵由土門舖璧山廟分路兜圍四  
晝夜盡力趕殺殲戮至四千餘人賊勢甚爲窮蹙始得折

回箕山首逆仍未成擒昨又將徐添德樊人傑等屯紮之  
鳳凰寺賊巢攻破逼歸一處於初九日具奏後正擬設法  
圍剿而前調各該州縣鄉勇因兼旬陰雨道路泥濘尙未  
到齊臣等心急如焚探報箕山西北擋路埡十二灣並南  
面白巖寨駱市橋一帶俱有賊匪屯踞臣等當卽知會將  
軍富成並派總兵觀祥前往堵剿業將擋路埡十二灣兩  
路賊匪殲斃四五百名餘衆竄回箕山一帶臣等復將白  
巖寨駱市橋等處賊卡連次攻克殺賊一千餘名殲戮殆  
盡臣等俱係受

恩深重之人不能迅速擒渠頻勞

宸廬憤愧交深現俟各處團勇齊集當卽派撥各隘口隨同官兵分投擎卡四面合圍臣等帶領官兵從正路進攻奮力勦辦倘能仰賴

天威於九月內擒獲首逆二二人隨卽次第勦辦可冀迅速蕆事至臣等每遇打仗俱係親臨行陣從未僅派鎮將稍自偷安緣行陣必須督率指揮各兵方肯用命而臣等亦可察將卒之出力與否以示勸懲此亦臣等職分當然並不敢

稍有支飾

同日公又奏言臣仰蒙

天恩畀以軍旅重寄在楚在川已歷四載此次賊匪奔竄無定官

兵追勦日須移營夫驟各項又不能不酌量領用惟是所帶官兵七千有餘鹽糧各項均係照例支領且係該省派令地方官隨營辦理各營分自具印鈐支領該糧員按領核給今自秦入川川省先派漢州知州覃光典赴營管理糧務一切應支悉屬該糧員自行經理今覃光典以臣營中每月約需銀九萬餘兩具稟英善等諮詢查臣一路領隊副都統巴圖魯侍衛及滿洲吉林索倫官兵應得分例較之綠營官兵爲數較優通計滿漢屯土官兵共七千餘名按照臣奏定條款每月鹽糧及夫驟各價須銀五萬四千餘兩計臣帶領官兵於五月二十一日追賊入川截至八

月二十日鹽糧各項實應支銀十六萬二千餘兩除支過  
銀十四萬餘兩外尙未領銀一萬餘兩營員並無浮濫之  
項有款可查何敢捏飾合將支用銀數清單恭呈

御覽

諭曰惠齡等於初九日奏到攻克鳳凰寺賊巢後未據續有奏報  
方以爲伊等或俟首逆就縛一併馳奏及閱本日奏摺祇係覆  
奏節次飭諭空言搪塞並未設法進攻箕山一帶屯聚賊匪復  
稱前調鄉勇因兼旬陰雨尙未到齊豈兵勇雨淋而賊匪獨不  
被淋乎實屬藉詞文飾惠齡恆瑞富成德楞泰著再傳旨申飭  
惠齡等自定限期冀於九月內擒獲首逆二一人次第勦辦今

九月止有七日惠齡等果能上緊勦辦於限內將各首逆全行拏獲不但免其治罪且可仍邀獎賞否則或如伊等所奏拏獲一二人亦可將功抵罪儻仍前延緩自逾限期又成虛望則是罪上加罪斷不能再邀曲貸也又軍營支用錢糧自有一定分例豈容絲毫浮冒今德楞泰奏稱每月支銀五萬四千餘兩而糧員稟報月需九萬餘兩多寡懸殊著福甯據實查核毋任藉詞浮冒

十月初七日

公偕惠齡恆瑞奏言連日接奉

諭旨以羅其清黨與尙多飭令臣等先行勦辦伏思冉文傳徐添

德等各股賊匪俱在箕山附近屯聚借羅其清以爲聲援誠如

聖諭先將羅其清一股勦除則各股賊匪失所倚恃卽被勦遁逃而陝省邊界堵禦甚嚴其勢亦難竄越惟查箕山周圍一

百餘里羅其清賊黨實有三萬餘人負嵎拒守山勢險峻東西北三面俱甚陡削不能仰攻惟東南有路可通均爲各股賊匪占踞必須先破各匪卡寨始可直逼箕山但西

北一帶雖有將軍富成駐兵防堵而兵力稍單恐其不敷

截勦臣等當飛調總兵觀祥就近帶兵協助並飛咨宜縣

秦承恩預於川陝交界地方嚴密堵截臣等分兵兩路同

時進發

臣

惠齡恆瑞帶兵進至黃泥坪見該處山梁均有

賊卡卽鼓勵將士奮力搶撲賊匪抵死抗拒我兵連破賊

卡三座殺賊四百餘名生擒李興相等四十餘名將黃泥

坪搶占

臣

德楞泰帶兵行抵順水寺將賊卡四座攻破殺

賊六百餘人生擒方朝艮等五十餘人

臣

等提訊李興相

供稱冉文傳派令賊黨五百人把守黃泥坪大夥紛在王  
家梁陡嘴子一帶又據方朝艮供稱樊人傑龍紹周龔建  
等俱屯在郭家廟廖家碥等處徐添德等屯踞陳家壩小  
蓬寺等語餘無要供概行正法查各股賊匪分屯要隘均  
有長河間隔況值霪雨經月河水甚漲自應設法急渡以

圖進取

臣惠齡督率總兵李紹祖副將關聯陞副將銜穆

克登布參領佛甯帶兵進攻王家梁等寨

臣恆瑞督率副

將德忠凝德佐領佛爾卿額祿成等帶兵進攻陳家壩等

寨

臣德楞泰督率賽沖阿阿哈保溫春阿穆勒塔達三泰

副將德甯遊擊馬瑜等帶兵進攻郭家廟廖家礮等寨三

路均於五更時冒雨前進或騎馬競渡或鳧水徑涉

臣德

楞泰由沙灘河躡水搶上五塊石賊已占據廖家礮東西

二溝拚死抗拒官兵槍箭齊發賊匪連撲三次四川外委

盧一得直前拒敵身受槍傷官兵人人痛憾奮勇進攻搶

占廖家礮山梁殺賊三百餘人生擒蘇應江等二十一名

我兵乘勝壓下將東西溝賊巢窩柵全行燒燬殺斃五百餘名搶獲賊旗刀矛牛馬甚多正在督兵搜勦忽箕山賊匪四五千人分股前來勢甚兇悍臣德楞泰當派阿哈保

帶領侍衛墨爾歡保營總達斯呼爾岱副將扎勒杭阿遊

擊劉維馨都司馬應國等帶兵由左手抄下賽沖阿帶領

侍衛富僧德吉林佐領明德穆騰額參將李錫命遊擊蒲

尚佐屯副將銜坤朋等帶領滿漢屯土各兵由右手抄下

臣德楞泰親帶溫春阿穆勒塔侍衛阿納保達勒精阿鄂

爾綏索倫總管色爾凌遜多保等帶兵由馬鞍山郭家山

冉家澗往來截殺殲賊六百餘名生擒郭彥榜等三十三

名賊衆大敗退據尖山子等處吉林委官西蒙額哈郎阿

身受槍傷難時

臣

惠齡督兵進攻王家梁搶上山梁將賊

寨攻破殺賊四百餘名生擒周添輪等五十餘人適陡嘴

子賊匪前來接應

臣

德楞泰又帶吉林黑龍江官兵迎頭

截殺連斃賊匪三百餘人餘匪紛紛退回我兵從後掩擊

追上陡嘴子山梁賊匪慌急無措棄卡奔逃我兵四處截

殺又斃賊二百餘人餘衆俱向後山逃竄至

臣

恆瑞帶兵

攻搶陳家壩賊卡擲石放槍抗拒甚力當有直隸千總劉

太奮不顧身拔開木柵拋擲火彈燒燃卡內草柶我兵乘

勢搶入劉太中槍陣亡我兵槍箭並施殲斃賊匪三百餘

人將陳家壩山梁占據復帶兵進攻小達寺賊寨見賊匪甚形慌亂卽乘勢攻撲立將賊寨打破殺賊二百餘人生擒陳藍亭等五十餘名臣等合兵一處通計三路進兵殺

賊三千餘人奪占賊卡七座賊寨六處刀矛器械八百餘件賊旗五十餘杆訊據活賊供稱六處賊寨係冉文傳龍紹周龔建徐添德樊人傑分起屯紮今被官兵打破各賊首已先逃遁等語臣等深爲憤憾當將該犯等立行正法旋據將軍富成札稱二十一日辰刻有賊匪數千從龍頭寨山梁直奔前來卽督兵迎頭截擊施放槍礮斃賊三百餘名忽有天池子十二灣兩股賊匪順溝而來翻向大梁

逃竄當派參將郭承緒遊擊扎克丹傅雲巴圖魯馬昌傑等分兵截勦富成往來策應均有殺獲各匪未能北竄又總兵朱射斗由史家坪截勦西竄賊匪設伏擊散對河又有一股賊匪由羅家嘴直衝官兵營盤經該鎮帶兵殺退是晚賊匪渡河劫營當即奮力掩殺殲賊四百餘人賊始奔竄伏查富成朱射斗截退各匪卽係臣等攻勦敗逃之賊今復折回正可聚而殲洗惟臣等亟圖進勦羅其清大股未暇他顧雖各股賊寨均經奪占而羅其清賊卡林立各道山梁絡繹不斷臣等當於二十二日清晨進兵臣德楞泰搶占雙柏樹山梁臣惠齡恆瑞搶占仰天埡山梁俱

距箕山十有餘里草柵布帳歷歷在目現在進攻之路俱爲賊匪挖斷並於山腰築設木城守禦情形極爲可憾

臣

等悉心籌議箕山地廣賊多勢難圍剿前次飭調各州縣團勇多緣保護城池鄉堡至今未到一名惟就現有兵力設法攻勦趕緊逐層進逼以冀剋日殲除

諭曰惠齡等奏攻克箕山附近卡寨亦未拏一賊首卽所稱殺賊三千餘名恐亦不足深信惠齡等在箕山勦賊每次奏摺僅係殺賊若干名奪卡若干座卽爲出力而各股賊首一任其負固稽誅實爲伊等恥之惠齡恆瑞富成德楞泰著再傳旨嚴行申飭今據奏稱已分占山梁距箕山祇十餘里是官兵已緊逼賊

巢更無難直前進搗黨仍前支吾觀望竟欲以身試法乎所有陣亡之干總劉太著各部加等優卹

又

諭曰本日王三槐解到經軍機大臣審訊據供聞徐添德已被大礮轟斃羅其清冉文儔俱心生懊悔因畏懼王法不敢出來若知伊投順得生必皆投出並稱從前知縣劉清曾經前往伊等寨內曉諭出降王三槐當卽親自投赴宜縣軍營其時被營內官員攔住不准謁見宜縣以致徐添德懷疑不肯投出如果所供屬實則王三槐徐添德早有投順之事至羅其清冉文儔等果被官兵勦急或探聽王三槐信息希圖免死竟行投出亦未

可定著勒保惠齡等察看賊情一面仍鼓勵兵勇上緊進剿總以擒獲首犯爲正辦設各首犯等有真心棄械自縛投誠者亦不妨酌量寬其一線予以生路亦可藉此解散餘黨稍省兵力然祇可帶兵大員數人存之於心密爲酌辦不但不可令兵弁等聞知卽將領等亦不可稍有宣露以致心生懈弛此爲至要

十五日

公偕惠齡恆瑞額爾登保奏言臣等自攻得雙柏樹仰天

壘後已逼近箕山賊巢

臣德楞泰督率賽沖阿溫春阿穆

勒塔等帶兵由山左尖山一路進攻

臣恆瑞督率副將德

忠凝德佐領祿成等從山右斷山一路進攻

臣惠齡督率

總兵李紹祖副將關聯陞穆克登布馬國銳等從板廟子

一路正面直上均於四更發兵

臣

德楞泰抵小箕山天甫

黎明賊匪竟敢聚衆迎拒官兵槍箭齊發斃賊二百餘人

遊擊趙永城吉林防禦倭新保雲騎尉烏勒興額奮勇突

入賊卡木柵拋擲火彈將賊人柵卡延燒烟焰四起賊匪

拼命相持趙永成等三員均中槍矛陣亡黑龍江副總管

福僧額委防禦福勒登守備何化龍五寨土副將衙坤朋

均經受傷我兵人人忿懣一擁前進砍殺五百餘人生擒

一百餘人詢係冉文儔龍紹周等股賊匪當卽督兵攻破

箕山卡柵維時臣恆瑞帶兵從右手一路將高均德阮正

濬唐大信等賊寨攻破殺賊四百餘人亦卽搶上山梁其  
箕山正面賊匪繁有木卡三層路徑逼仄我兵正在仰攻

時

臣

惠齡業將賊匪頭卡二卡攻破帶兵趕到相度情形

一面搶撲一面密派官兵從木柵之旁攀援而上連擲火

彈將賊柵燒然賊匪見箕山左右俱經火發而木柵內又  
復延燒紛紛潰散官兵奮力連破木柵而進斃賊七百餘  
人其箕山之後二十餘里尙有賊卡林立

臣

等乘勢掩擊

又斃賊男婦約千餘人追至賊卡賊匪業經先竄盡力窮  
追又斃賊三百餘人生擒焦應南等三百八十一名訊據  
該犯等供稱箕山係羅其清大股賊匪占據其餘各股賊

匪本在山之左右屯劄官兵攻破箕山各股賊匪均已分路逃竄羅其清見箕山左右火起卽帶人由樹林內逃竄前去等語當將該犯等概行正法

臣等仍卽分兵趕擊適

臣等仍卽分兵趕擊適

臣額爾登保先自廣元蒼溪一帶勦辦高均德黨與及李

全一股竄匪連日於閬中儀隴邊界殺賊六百餘人黑龍

江委防禦固哲德依中槍陣亡行至罐子場探得張公橋

一路又有賊匪橫出初疑李全等折回希圖截我後路當

卽分兵從罐子場截勦

臣

額爾登保親帶官兵由張公橋

迎擊賊匪正在下山我兵分頭截其首尾賊匪無路可逃

綸布春格布舍楊遇春等率領馬步官兵馳突衝殺斃賊

五百餘人滾跌死者不計其數生擒劉朝佐等一百二十  
餘人並擒騎馬賊目一名甚形兇悍詢係張漢潮之子張  
正漋於上年與張漢潮分股同王廷詔阮正漋來至箕山  
依附羅其清此股賊匪卽係該犯所領共有一千餘人

臣

額爾登保因此股賊匪除殲擒外潰散無幾遂令該處鄉  
勇搜拏仍卽率兵從二道河高梁寺等處追勦李全等賊  
匪於王老山一帶斃賊二百餘人與

臣

惠齡等先後會合

隨卽連夜分頭兜剿

臣

惠齡額爾登保帶兵抄向西北一路迎頭截殺賊匪竄

路

臣

恆瑞德楞泰帶兵抄向東北一路迎頭截殺賊匪竄

上太鵬山寨屯踞坡下四面尙有餘匪攢集我兵分路勦

殺斃賊一千二百餘人生擒康現鳳等三十四人

臣

等查

看太鵬山寨寬廣一百餘里半屬懸巖本係團勇結寨之

所因逼近箕山久經遷避而山上有大廟一所係川北居

民香火寺頗有積貯不能遽離此番賊至始各奔逃當有

僧人靜修赴營詢稱寺內有糧食七百餘石並民人寄存

亦有四千餘石山上水泉堰塘甚多並嚴訊活賊康現鳳

等僉供羅其清王廷詔李全等俱已上山其餘冉文儒高

均德阮正漋龍紹周樊人傑徐添德馬朝禮等聞打破箕

山時均已分竄等語當將該犯等正法

臣

等伏查各股賊

匪俱倚恃羅其清以爲聲援今羅其清又復屯劄此山未

卽擒獲實堪憤自應併力先將羅其清勦辦

諭曰此次惠齡等分兵進擊殺賊多名並將張漢潮之子張正漋  
拏獲差強人意但旣經攻破賊巢不能設法堵截又任首逆竄  
入太鵬山據險屯聚仍屬無能不足爲功所有陣亡之遊擊趙  
永成等俱著咨部加等議卹現在額爾登保已與惠齡等會合  
正當乘賊匪潰敗窮蹙之時迅速殲除儻因得有勝仗卽心存  
懈緩又復因循貽誤則是伊等甘蹈重譴欲再留渝贖之地不  
可得矣再閱張正漋供詞年已五十七歲則該犯之父張漢潮  
總在七十以外年已衰老惠齡等若能乘勝進取業將羅其清  
張漢潮拏獲固屬甚善儻尙未就獲張正漋現經留禁在營張

漢潮豈不顧念伊子或卽令張正漋誘致伊父出投使此股賊匪先行肅清亦是一法其羅其清冉文傳等若能二併招出省我兵力則多得一名賊首大功早一日告成更爲事半功倍但軍營帶兵大臣不可專恃此策稍存懈弛仍當以帶兵進攻擒拏首逆爲正辦也